

書名 所見集三十七卷目二卷二集十九卷三集二十一卷四集十八卷
撰者 清 馬世璜 輯，清 謝奎、王又槐 同輯四集
卷 卷三
內容分類 史-政書-法令-刑案
索書號 大木-法類-例案-11
編號 B3851700

卷三

彩色首頁1

東洋文化研究所漢籍目錄 編號: B3851700

東洋文化研究所漢籍目錄所藏漢籍善本文影像資料庫 索書號: 大木-法類-例案-11

漢籍善本文影像資料庫文本 所見集三十七卷目二卷二集十九卷三集二十一卷四集十八卷

版權所有: 東京大學 東洋文化研究所

使用上的注意事項

更道瑯留宿有阮亞長經見初九日梁基瑞將牛

光牧草水牛一隻至黃道瑯家借住捏稱買自墟

梁基瑞于乾隆三十五年十一月初六日偷竊何


差役李信等先後詐逼致梁基瑞服毒身死一案

刑部咨據廣撫德 咨稱新寧縣民梁基瑞竊牛被

乾隆三十七年九月二十二日准

地保扶同捏供不准照本犯收贖之例收贖

杭仁和馬世璜仕仙編 男德錫時若校字



所見集
卷目名例
一贖刑

軍興之際老幼婦女被賊冲散良民收畱回家
卽與撫卹難民無异均免治罪

刑科抄出陞任湖北巡撫高 題前事等因嘉慶五
年三月初十日題開四月十五日奉

旨三法司核擬具奏欽此本部會同院寺會看得鍾祥縣
審解民人胡尚義等戮死田懷斟夫婦並田黑女另
被不知姓名人戮傷身死一案據陞任湖北巡撫高

疏稱緣胡尚義籍隸鍾祥田懷斟籍隸漢川素不
認識田懷斟駕船營生妻楊氏子田中義並女三人

所見集 卷之三 戶役

一收開迷失子女

均在船內大名冬女已許沔陽州人周谷興爲媳次
名黑女年十二歲三名麼女兩歲嘉慶三年三月川
匪竄入荆門州滋擾二十四日田懷斟舟至荆門沙
洋突遇教匪將其夫婦子女一併擄入賊營其子田
中義當夜乘間逸出餘俱裹走四月初間賊匪竄至
鍾祥七里冲該處村民聚集義勇築寨防守胡尚義
與族人胡允懷村隣陳榜均充義勇初三日賊被官
兵剿散田懷斟攜帶妻女乘空逃出行至七里冲前
山走進樹林歇息維時寨內衆勇因賊匪被剿四竄

分路搜捕餘匪胡尚義胡允懷陳榜走近山前聽聞
林內男女語言並非本地口音心疑匪屬上前喊拏
田懷斟因從賊營逃出恐難分辯一時慌忙將懷抱
麼女拋棄跌斃自與妻楊氏大女冬女出林奔逃次
女黑女年幼落後胡尚義趕至溝邊追近田懷斟用
鎗向戮致傷田懷斟右腰眼跌入溝內身死陳榜追
及田楊氏亦用鎗戮其乳旁仰跌倒地楊氏正欲掙
起胡允懷復用鎗戮其肚腹亦滾溝內殞命冬女跪
地哭求胡尚義等聞知情由始知誤殺各自跑散是
時黑女落後另被不知姓名人戮傷斃命冬女隻身
無依在路旁啼哭有賈文青走過領至其家收留為
女旋許會榜接娶為妻四年四月田中義路過會榜
門首遇見冬女詢知父母黑女被殺報縣獲犯訊供
親赴該處查勘情形田懷斟等屍骨均因日久被水
冲去錄供通詳批飭緝審茲據審擬招解屢審供認
不諱查胡尚義等搜捕餘匪因見田懷斟帶同妻女
藏匿樹林疑為匪屬倉猝追赶戮傷斃命訊無他故
別情應依鬪殺科斷胡尚義戮傷田懷斟身死將胡

尚義依律擬絞監候陳榜等分別擬以徒杖等因其
題前來據此應如該撫所題胡尚義合依鬪毆殺人者
不問手足他物金刃並絞監候律擬絞監候秋後處
決該撫既稱田楊氏係被在逃之胡允懷後戮肚腹
滾溝殞命陳榜先戮乳旁並未致死合依刃傷人杖
八十徒二年田廖女係被拋棄跌磕斃命應毋庸議
戮死田黑女正犯同殺斃田楊氏之胡允懷嚴緝務
獲另行究結賈文青收畱田冬女爲女應照收畱迷
失子女爲子孫律擬杖九十徒二年半曾榜知情故
所見集四 卷之三 戶役 十一 收畱迷失子女 三

娶應照律於賈文青罪上減一等杖八十徒二年賈
文青獲日另結曾榜照擬發配何殿興身充保正既
知義勇殺人匿不稟報應照不應重律杖八十事犯
到官在嘉慶四年十一月二十七日欽奉

恩詔以前陳榜曾榜所犯徒罪均應減爲杖一百折青發
落何殿興杖罪寬免仍革役田冬女照例免坐先經
許有夫家給屬領回完娶等語查賈文青因見冬女
在路旁啼哭詢知係被賊難民伊父母均爲鄉勇疑
賊戮斃冬女隻身無依領回認作義女許聘與曾榜

為妻該撫將賈文青照收雷迷失子女為子孫律杖九十徒二年半曾榜減一等杖八十徒二年固屬照律辦理惟查收雷迷失子女律擬徒罪者原指地方女靜輒敢收雷不送官司者而言至軍興之際老幼婦女被賊冲散經安分良民收雷回家即與撫卹難民無異若仍照律擬徒不惟情法未平且恐此等失所婦女幼小人口從此人人畏罪不肯收雷殊非矜恤民命之意自應量予寬宥以昭平允所有案內擬徒之賈文青曾榜均請免其治罪賈文青並免緝拏

所見集

卷之三 戶役

主 收雷迷失女子

並令該撫查訊田冬女先聘之夫如願婚配將田冬女給屬領回完娶若先聘之夫不願完聚及查無下落者即將田冬女給與曾榜完娶免其離異仍追原聘財禮給與先定夫家具領并行文現有賊匪滋擾各省遇有此等收雷難民老幼婦女者均免其治罪餘均應如該撫所題完結查減杖之陳榜復奉本年四月十四日清刑庶獄

恩旨應准累減援免兇犯胡允懷並截死田黑女之正兇應令該撫飭緝務獲審擬具題等因嘉慶五年七月

初九日題十一日奉

旨胡尚義依擬應絞着監候秋後處決餘依議欽此

所見集

卷之三 戶役

三 收畱迷失子女

逼令總麻孀嫂改嫁致嫂自縊身死擬軍援免
部駁仍照原題惟不准其援免

刑部謹題為報明事該臣等議得臨晉縣民焦三
院逼令姚氏改嫁致姚氏自縊身死一案據晉撫蔣
疏稱焦三院係姚氏故夫焦屎娃大功堂弟同居
共炊乾隆六十年三月初間焦三院因焦屎娃物故
家貧不能養贍思及姚氏難以孀守不如改適當浼
焦成禮尋覓娶主並向姚氏之叔姚添保告知令其
主婚姚添保與姚氏商議姚氏情願守節姚添保向

所見集

卷之三

婚嫁

西居喪嫁娶

焦三院覆知不允十八日姚氏因伊夫斷七買赆五
斤焦三院填其多費錢文將來無人養活並稱定欲
作主改嫁姚氏不依吵鬧經焦杜氏等勸散詎姚氏
不甘失節自縊捐命報驗審供不諱將焦三院擬軍
等因恭疏具題經臣部詳核案情焦三院係姚氏
故夫焦屎娃大功堂弟並非期親律得主婚之尊長
該犯因兄故家貧欲令伊嫂改適先令姚氏之叔姚
添保主婚未允嗣後以姚氏買赆多費定欲作主改
嫁以致姚氏不甘失節自盡是該犯逼嫁已干恃強

嫁賣查閱供招雖焦三院稱無圖財情事但查該犯與焦屎娃同居共炊其平日食用是否另有公產抑或各自自力作餬口之處均未據詳敘如果焦屎娃與焦三院止有公共土房三間實因家貧不能養贍恐難孀守主令改適並無圖財強賣別情尚可照例擬軍若焦屎娃另有產業或焦三院係仰藉焦屎娃過度則其屢逼孀嫂改嫁卽係覬覦其產自應照圖財強賣例擬以纆首今該撫于此等緊要關鍵均未詳晰聲明遽將焦三院照孀婦不甘失節自盡例擬軍未爲妥協誠恐矢志守節之孀婦含冤莫白而逞刁圖產之奸徒倖逃法網臣部碍難率覆應令該撫另委幹員提訊究明焦屎娃有無產業焦三院是否圖財逼嫁按情妥擬具題奉

旨部駁甚是依議欽此茲據該撫稱焦三院與已故堂兄焦屎娃同居僅有公共土房三間院基一塊委無別業焦屎娃物故遺妻姚氏相依焦三院過活焦三院因焦屎娃本無產業已又貧寒無力養贍隨託該氏之叔姚添保告知姚氏願甘孀守經姚添保回覆嗣

姚氏因焦屎娃斷七買麪多費焦三院氣忿聲稱作
主改嫁爭吵姚氏卽自縊殞命查焦三院係焦姚氏
故夫焦屎娃大功堂弟服屬總麻並非律得主婚之
人如焦屎娃另有產業或焦三院仰藉焦屎娃過度
則其屢逼孀嫂改嫁誠如部駁卽係覬覦其產自應
炤圖財強賣例擬以縲首今該犯堅供與焦屎娃止
有公共土房三間院基一塊各自餬口並非另有產
業仰藉過度將焦三院照原擬充軍事犯在

恩赦以前應請援免姚氏應請

所見集

卷之三

婚姻

六居喪嫁娶

三

旌表等因前來應如該撫所題焦三院依孀婦自願守志
夫家強嫁不甘失節自盡例發邊遠充軍雖事犯在
恩赦以前但係強逼孀嫂改嫁致氏自盡不准援免姚氏
被總麻服屬之焦三院逼嫁不甘失節捐軀明志洵
屬節烈可嘉應准其

旌表俟

命下之日行令該撫飭令該地方官給銀三十兩聽其自
行建坊其該縣節孝祠設牌之處照例遵行謹題請

旨奉

旨依議欽此

所見集

卷之三

婚姻

七 居喪嫁娶

四

謀娶未遂強行姦污欲佔爲妻照律絞候

刑部爲強佔等事刑科抄出浙江巡撫阮一題前事等因嘉慶六年十一月初二日題十二月初十日奉旨三法司核擬具奏欽此本部會同吏部院寺會看得仙居縣民人吳阿備姦佔孀婦俞徐氏一案緣吳阿備與俞炳富隣村居住俞炳富妻故乏嗣娶妾徐氏生有二子年俱幼稱嘉慶五年八月間俞炳富病故遺有產業俞徐氏原甘守節吳阿備貪其遺產希圖俞徐氏招贅爲夫九月二十一日央俞谷太并在逃之


所見集

卷之三

婚姻

六強占良家妻女

柯錫漢齊沅海向俞徐氏說媒未允柯錫漢以吳阿備恐要強贅之言嚇唬而散俞徐氏告知俞炳富之弟俞炳貴欲行呈控俞炳貴畏其兇橫用言勸阻俞徐氏恐吳阿備果往強贅當欲遷居旋因患病不果十二月初八日吳阿備聞俞徐氏有遷居之意起意強姦逼令招贅卽邀現獲之吳濟世并在逃之吳咸喜吳緝喜吳際洪吳濟時同往幫護許其成事各謝錢十千文吳濟世等貪利應允吳阿備當令吳咸喜攜錢二千文送與俞徐氏族隣俞炳儒令勿攔阻卽



于是夜吳阿備同吳濟世吳咸喜吳緝喜吳際洪吳
 濟時偕至俞徐氏門首余徐氏正欲睡臥燈尚未滅
 吳阿備打門進內俞徐氏出房喊罵被吳咸喜吳緝
 喜用繩縛住兩手拉至牀上走出門外同吳濟時等
 把護吳阿備當將俞徐氏掇倒壓伏其身用左手按
 住俞徐氏上身右手拉落裙褲強行姦污俞炳貴聞
 聲趕救被吳濟時等阻退吳阿備姦畢卽令吳濟時
 等在俞徐氏家住宿守護吳阿備管住俞徐氏不容
 出門冀圖嚇令順從俞炳貴投保報縣該縣飭差會
 營嚴拿一面親詣查勘各犯聞風逃逸吳阿備亦將
 俞徐氏背走俞徐氏喊叫俞炳儒聞聲趨勸吳阿備
 卽令幫同背負俞炳儒始猶未肯後被吳阿備嚇逼
 無奈允從幫同背至吳濟時家吳阿備令吳濟時之
 妻王氏伴守勸令順從俞徐氏執意不允十三日早
 吳阿備聞拿緊急將俞徐氏送至村前當卽逃逸經
 該縣先後緝獲該犯等到案訊認不諱將吳阿備依
 強奪良家妻女姦占爲妻妾者絞律擬絞監候等因
 具題前來應如該撫所題吳阿備合依強奪良家妻

所見集 卷之三 婚姻

九 強占良家妻女

女姦佔爲妻妾者絞監候律擬絞監候秋後處決該撫既稱吳濟世貪得謝錢隨同幫護應照爲從減一等例杖一百流三千里俞炳儒先因畏兇未阻後被嚇逼幫同背送各合依逼誘隨引止于幫同扛擡照未成婚減絞罪五等杖七十徒一年半例應杖七十徒一年半俞谷太聽從說媒亦屬冒昧應照不應重律杖八十事犯到官在嘉慶六年六月十一日清刑恩旨以前吳濟世流罪不在准減條款應不准其援減俞炳儒徒罪應減爲杖一百俞谷太杖罪應請援免俞

所見集 卷之三 婚姻

三 強占良家妻女

徐氏情願守產撫孤聽其自便仍飭俞炳貴好爲照管毋致失所俞炳儒所得現錢二千文追出入官口許錢文均着免追逸犯吳咸喜等緝獲另結等語均應如該撫所題完結逸犯吳咸喜等應令該撫飭緝務獲審擬另結再該撫疏稱所有承審遲逾分限不及一月職名係仙居縣知縣趙徽相應附叅等語查定例官員承審事件遲延逾限一月以上者罰俸一年等語此案應以嘉慶六年正月二十六日獲犯之日起除去犯病日期扣至四月二十六日縣審已滿

該縣于七月二十五日解府計逾分限一月以上應
將承審遲延逾限一月以上之仙居縣知縣趙敬照
例罰俸一年等因嘉慶七年三月二十四日題二十
六日奉

旨吳阿備依擬應絞著監候秋後處決餘依議欽此

所見集

卷之三

婚姻

三

強占良家妻女

四

嚴禁漕船折收陋規

刑部爲遵

旨等事河南司案呈所有前事一案相應抄錄原奏並開明短欠漕米之各幫旗丁米數清單並米色霉變各丁名單行文漕運總督遵照辦理可也計粘單內開准步軍統領衙門倉場侍郎先後奏送溫州嚴州台州等幫正額漕米不足併台州幫米色霉變各在通州買補奏請交部等因欽奉

諭旨交刑部嚴審定擬具奏欽此臣等當卽詳查各案原所見集四卷之三倉庫三錢根互相覺察

奏溫州前幫計船四十六隻內有三十一船每船短米自一二十石至百餘石不等共短米一千三百零三石嚴州所幫計船四十三隻內有十四船短米自五石至四十餘石不等共短米二百九十九石台州後幫計船五十六隻內二十二隻內每船霉變米自數石至一百四十餘石不等虧短米自數石至五十餘石不等又八船並無霉變淨短米自數石至四十餘石不等計共霉變米四百餘石虧短米七百八十九石臣等以各船正米俱係水次照額兌足過淮尚

應盤驗何以抵通後竟致各有短缺之事當即行文
倉場侍郎查傳各該幫之領運千總經理運務之頭
伍并霉變短米之各散丁以憑嚴審定擬去後旋據
覆稱頭伍金聖榮陳宗仁逗遛水次並未隨運來通
頭伍余松明許應芳抵通後畏罪潛逃僅將頭伍吳
繼臯董型領運千總齊金蘭呂秉成張超羣及各散
丁押送到部臣等當即先後分提隔別研訊緣温州
前幫係千總齊金蘭領運頭伍吳繼臯董型辦事該
幫除應兌正米俱照額兌足併晒颺等米例應折價

所見集

卷之三

倉庫

三

錢糧五相覽察

外每船尚有應領本色行米十五石月米十六石三
斗以供各丁沿途食用之需該頭伍等同明千總每
船止給本色米七石五斗其餘應領本色一概折收
嚴州所幫係千總呂秉成領運頭伍金聖榮陳宗仁
辦事亦回明千總止給各丁本色米每船七石五斗
其餘行月等米一概折收台州後幫係千總張超羣
領運頭伍余松明許應芳辦事每船除例應折價各
米外該頭伍回明千總將每船應領本色行米十石
月米十三石樣米四石耗米十三石一概折收除台

州帮霉變米四百餘石訊係裝運不慎所致其餘以上各帮每米一石折銀二兩八錢千總頭伍等不但將例折銀兩分給各丁卽違例私折銀兩亦俱存爲公用以致各丁應領之折價本色等項顆粒分毫不能到手沿途口糧缺乏有力各丁尚能貼補買食其無力窮丁卽不能不私食正米北至抵通後正米短少頭伍等又代各丁借債買米補額交倉其自水次折收以至抵通借債買米均聽千總頭伍主張辦理各丁並不得與聞惟回至水次開寫賬目攤扣各戶地棍匪徒因知各船每年俱在通州借債買米或以賤價收買甲俸等米貴價賣給糧船或放七扣八扣九扣重利等債二三年間卽可盤利數倍各丁種種受累不堪枚舉若不將千總頭伍債主奸商包戶逐加懲治將來年復一年不惟漕務勢必不能肅清且恐各丁苦累難支或竟至疲極而力不能辦運豈復尚成事體臣等當將通州包攬買米之胡連程九林九如買米之楊四馬三穆三房五併斗行楊正及

買米作保之楊昆提傳到案併追出節年專辦賤價
收米貴價補造之秦五及重利放債之捐納從九品
秦三瞎子均係回民在通州素有強霸之名當經飭
坊查拏去後秦五已經聞風遠颺將秦三瞎子拏獲
送部臣等卽將各犯隔別嚴審併先查核頭伍所開
賬單內如貼補緩造船隻及添補舵工水手身工祭
廟祭江祭河提溜打圍等項所開費用均屬浮多該
頭伍等恃無質証不吐實情各丁又未曾經手均不
能確指質訊但如單內所開頭伍領銀領米往返盤
費每幫用銀六十餘兩及千總公館巡船食用每船
用銀七十餘兩亦俱于各丁折來銀兩內攤派開銷
其爲科派擾累已有確據并據秦三瞎子供認嘉慶
六年借給台州後幫米二百石作價一千一百兩又
現銀二百四十兩共實本銀一千三百四十兩七年
又借過實銀一千八百兩均九扣三分節次換票利
上加利歷年還過銀五千六百兩下欠四千兩又嚴
州所幫自嘉慶六年起至八年止先後實借銀四千
六百兩利上加利除還過五千零六十兩外尚欠銀

五千五百兩又另借銀四百兩尚未清還又據胡連
供認積年替吳繼臯買米補漕不計次數本年希圖
賺錢又替吳繼臯轉托程九買米伍百石係楊昆作
保林九如供認本年允替吳繼臯買米一千石尚未
買成又據賣米之楊四馬三穆三房五供認曾憑斗
行楊振各行賣給漕船米自二十餘石至九十餘石
不等質之楊振供亦相符再三推鞫各犯俯首認罪
堅供不移案無遁飾查例載漕糧軍伍將已裁陋規
復行派斂或于定數之外多行勒索計贓犯該徒罪

所見集

卷之三

倉庫

美

錢糧互相覺察

以上者照指稱衙門打點使用名色誑騙財物例不
分首從發近邊充軍又律載倉庫場務官吏知侵欺
盜用借貸故縱者與犯人同罪又例載運弁以通幫
計算但有掛欠革職發南追比如欠不及一分管五
十不完滿杖旂丁以一船計算其按照分數定罪之
處與運弁同又民人違禁向兵丁放錢扣取錢糧除
所欠債目不准給還外將放債之人照訛詐例治罪
罪止杖一百流三千里各等語此案頭伍吳繼臯董
型不顧各丁苦累輒將應領本色行月糧米折價湊

作公用又浮開各賬並攤派盤費卽與私用陋規無異計賍已犯該徒罪吳繼臯董型除代丁借債買米補漕各輕罪不議外應照軍伍歛派勒索該徒罪以上照指稱衙門打點名色使用誣騙財物發近邊充軍例發近邊充軍吳繼臯供稱母老丁單係漕蠹舞弊累及全帮各丁應不准其畱養干總齊金蘭呂秉成張超羣任聽頭伍折收米價又不將所開賬目核實稽查甚至將公館巡船鋪墊食用等項累及窮丁應照官吏知侵欺借貸故縱者與犯人同罪律同吳繼臯董型一例問擬軍罪係職官應革職發往伊犁烏魯木齊效力當差重利放債之秦三瞎子素有霸名又敢盤剝旗丁爲害漕務秦三瞎子應革去職銜依違禁放債扣取錢糧照訛詐罪止杖一百流三千里例杖一百流三千里雖係雙瞽篤疾但該犯每年尚能前赴浙江討取利債應不准其收贖包買漕米之胡連程九林九如明知吳繼臯所買米石係因虧缺補漕乃敢包攬買米並允代買以致吳繼臯等恃爲抵通買補羽翼水次任情折收胡連程九林九如

俱應于吳維臯董型等軍罪上減一等各杖一百徒三年賣米之楊四穆三馬三房五擅將米石違例賣給漕船楊昆及斗行楊振知情作保說合均應各照違

制律杖一百仍在通州填上柳號一個月示衆各帮散丁鄭錫泰田世明徐子璠等因干總頭伍將該丁等應領折價本色一概折銀公用以致沿途食用缺乏其短米尚屬有因但既不稟官經理又不自行設法買食輒敢私食正米亦應照各船掛欠均在一分以內

所見集

卷之三

倉庫

錢糧互相資察

七

與未到各丁均由部開單發南依限勒追于次年搭解還倉逾限不還卽由漕運總督照例治罪董型短米一百七十餘石業已擬軍應令通帮攤賠搭運毋任正額虛懸其台州帮霉變正米之各散丁應各照不應重律杖八十訊明均已捆船回空亦應由部開單行文漕運總督按名查傳照擬發落霉變米石應令各丁領回卽由各丁照數賠補亦于下一并搭運交倉温州帮掣獲封貯已買米石台州帮奏明已買各船餘米均令倉場侍郎查量確數收倉報

明戶部與各該幫干總所用公館巡船鋪墊食用等銀兩照數追出一併入官泰三瞎子除將所得利銀亦應照追入官外其所放各利債無論已未破案照例一概不准償還其餘案內無干人等均予省釋至未經來通之頭伍金聖榮陳宗仁在通潛逃之頭伍余松明許應芳及素辦回漕米之通州回民秦伍行文都察院步軍統領衙門直隸山東江蘇浙江及附近各督撫漕運總督一體嚴拏送部究治失察漕運舞弊之押運糧道通判業經奉

所見集

卷之三

倉庫

元錢根互相資察

旨交部其失察之本省督撫漕運總督藩司本府及聽從折收之各州縣漕標該管之各上司均請分交吏兵二部查取職名照例辦理並請

勅下有漕之各督撫藩司漕運總督嗣後務必嚴禁折收痛革各衙門陋規使費稽查干總頭伍用賬毋任浮冒累丁並通州嚴禁重利放債及違例買米賣米等弊庶丁力可期漸復而漕弊亦可悉就剔除謹此恭摺具

奏伏乞

皇上睿鑒謹

奏請

旨嘉慶九年九月十一日奏本日奉

旨依議欽此

所見集四
卷之三
倉庫

平錢類
五相覺察
九